

951

Կոլլեկտիվականի Գրադարան

Տ. ՏԵՐ-ՍԱՀԱԿՅԱՆ

ՍԵՐՄԱՑՈՒ

ԿԱՐՏՈՓԼԻ ՁՄԵՌԱՅԻՆ
ՊԱՀՊԱՆՈՒՄԸ
ԲՈՒՐՏԵՐՈՒՄ

635
S-52

635 47.
S-52

Տ. ՏԵՐ-ՍԱՀԱԿՅԱՆ

Ս Ե Ր Մ Ե Ց Ո Ւ

Կ Ա Ր Տ Ո Ֆ Լ Ի

Չ Մ Ե Ռ Ե Ց Ի Ն Գ Ա Հ Գ Ա Ն Ո Ւ Մ Ը

Բ Ո Ւ Բ Տ Ե Ր Ո Ւ Մ



ցուն, թերագնահատել ու անտեսել կարտոֆիլի ժողովրդա-
անտեսական նշանակութիւնը:

Լենինականի հանրապետական սելեկցիոն փորձակայա-
նի կարտոֆիլի մշակութայն ջաժինը ինչիւր դրեց ընտրել
կարտոֆիլի յեղած ամբարման տիպերից այնպիսին, վոր
բավարարի կարտոֆիլի նորմալ ձմեռելուն: Չմեռող կարտոֆ-
իլի պահպանման փորձնական աշխատանքները կայանի
կողմից սկսվել են 1932/33 թ. աշնանից՝ Ստեփանավանի
շրջանի Գյուլաքարակի «Յեռանդ» կոլտնտեսութիւնում.
(վերջինս նշված տարվանից համարվում է Սելկալանի
կարտոֆիլի փորձնական կետը):

Փորձեր դրվեցին սերմացու կարտոֆիլի պահպանման
համար Գյուլաքարակի, Վարդաբլրի, Հայգյառգյառի և
Հոբարձի կոլտնտեսութայն յերկու հազար վեց հարյուր
ութսուն (2680) ցենտներ սերմացու կարտոֆիլի վրա: Նույն
շրջանում 1933-34 թ. աշնանը փորձերն ավելի լայնացրին,
հաշվի առնելով անցյալ տարվա հաջողութիւնները: Փորձ-
նական բուրսեր դրվեցին հետևյալ 7 կոլտնտեսութիւնում:

Կոլտնտեսական տիպը	Պահ պահած կարտոֆիլի քաշը ցենտ- ներով	Բուրսերի քանակը	Ծանոթութիւն
1 Կուրթան	833	7	Տրված ցուցումներն ան- տես առնելու հետևանքով Վարդաբլրի կոլտնտեսու- թայն պահած սերմացուն փչացավ:
2 Վարդաբլուր	1680	11	
3 Հոբարձի	1200	5	
4 Գյուլաքարակ	1680	10	
5 Հայգյառգյառ	1200	6	
6 Աղարակ	300	2	
7 Ձինվորական խորհրտ.	150	1	
Ընդամենը	7043	42	

Մասնանշված ձևով սերմացու պահելիս այդ կոլտն-
տեսութիւններն ունեցել են ընդամենը 0,5⁰/₀ ից մինչև
2,5⁰/₀ բնական կորուստ, վոր միանգամայն նորմալ է
ձմեռելու ընթացքում պալարի շնչառութայն համար:

Փորձնական բուրս-խրամասներն ունեցել են մինչև
մեկ մետր խորութիւն, տարբեր լայնութայն, ինչպես և
ծածկող ծղոտի ու հողաշերտի տարբեր հաստութիւն: Ծայ-
բամասերի թեք դրված ողափոխ խողովակների ձևը մեր
կոլտնտեսականին հանրաժանութ թոնրի ակի (անդու) սկըզ-
բունքով է կառուցված:

Յերեք տարվա փորձնական պահպանման աշխատանք-
ների միջոցով հնարավոր յեղավ Ստեփանավանի շրջանի
(ինչպես և հարևան շրջանների) համար կարտոֆիլի պահ-
պանման այնպիսի վայրեր գտնել, ինչպիսիք են՝ Ալահ-
վերդին, Կիրովականը, Լենինականը, վորտեղ բուրս-խրա-
մասները միջոցով սերմացու կարտոֆիլի վոչ մի կորուստ
չի լինում և, բացի այդ, պալարները բոլորովին չեն ծլում:
1934—35 թ. աշնանն Ստեփանավանի շրջանը մասսայա-
կանացրեց փորձնական աշխատանքից ստացված արդիւնքը,
հիմք ընդունելով բուրսի այն տիպը, վոր ամենաքիչ բնա-
կան կորուստն էր տալիս: Տասնչորս կոլտնտեսութիւն
և յերկու խորհրտնտեսութիւն պահել են 14410 ցենտներ
կարտոֆիլ 112 բուրս-խրամասում:

Այդ պահպանումը հետևյալ պատկերն ունի.


№ № Ը. Կ.	Կոլտնտեսուկության վայրը	Պահ տված կարտոֆիլի քանակը ցենտներով	Բուր- տերի քանա- կը
1	Կուրթան	2160	17
2	Վարդաբուր	960	8
3	Հոբարձի	840	6
4	Գյուլաբարակ	1760	13
5	Հայ-Գյուղայառ	1320	9
6	Ռուս-Գյուղայառ	1000	10
7	Ստեփանավան	720	6
8	Աղբակ	720	6
9	Լեջան	840	7
10	Հայդարբեկ	480	4
11	Նիկոլայեվկա	720	5
12	Շահնազար	900	6
13	Նոր Միխայլովկա	1200	6
14	Ղզղալա	60	1
15	Զինվորական խորհանտեսուկ.	320	4
16	Մ. Տ. կայան	410	5
Ընդամենը		14410	112

Հայաստանի կարտոֆիլացան շրջաններում աշխատա-
վորութիւնը մինչև որս սերմացու կարտոֆիլի զգալի
մասը պահում եր հորերում, վորից ամեն տարի ունենում
եր մեծ կորուստ: Այդ կորուստներն ավելի աչքի յեն
ընկնում, յերբ մեր կոլտնտեսութիւններն ապահովված չեն
տանելի պահեստատեղերով, իսկ յեղած հորերն ել իրենց
պակաս տարողութեամբ չեն կարող ապահովել կարտոֆիլի
ձմեռման գործը: Սեանի ավագանի 4 շրջանում (Ախտա,
Նոր-Բայազեդ, Մարտունի, Բասարգեչար) մեր կատա-
րած գյուղատնտեսական մշակութիւնների կոմպլեքսային

պահպանման գործը, նշված շրջանների մի շարք կոլտն-
տեսութիւններում, գտնվում ե վերին աստիճանի անմխի-
թար ու յետամնաց դրութեան մեջ:

Նման որինակներ կարելի յե բերել նաև Հայաստանի
կարտոֆիլացան այլ շրջաններից: Յեղած բազմաթիւ որի-
նակներից մեջ ենք բերում մեկ տիպիկ նմուշ, թե ինչպես
ե խնամվում ձմռան պահ տրված կարտոֆիլը Մարտունու
շրջանի վերին Դարանլուխի կոլտնտեսութիւնում:

Կոլտնտեսութեան 55 ցենտներ սերմացու կարտոֆիլը
1933 թ. պահվում ե կարտոֆիլի հորի մեջ: Շնորհիւ այնտեղ
առաջացած բարձր ջերմութեան, վորից կարտոֆիլի պալար-
ներն սկսում են արագ կերպով փչանալ, ձմռանը (հունվարին)
կոլտնտեսականները հարկադրված են լինում կարտո-
ֆիլը հորից հանել, (տես նկար № 1): Կոլտնտեսութիւնը



Նկ. 1. Կարտոֆիլի նշած պալարը փտոփտորա սնկից

կարծելով վոր փչացումն առաջանում ե պալարների ցեխոտ
լինելուց, առաջարկում ե կոլտնտեսականներին պահ տրված
կարտոֆիլը հորից հանել, լվանալ և հետո նորից տեղավորել
նույն հորը:

Այդպես ել կատարվում է ու հետեվանքը լինում է այն, վոր գարնանը կոլտնտեսութունը բոլորովին զրկվում է սերմացուից և հորից գուրս չի հանվում վոչ մի կարտոֆիլը նմանորինակ մեծ կորուստներից խուսափելու համար այժմվանից մեր շրջանի ղեկավար կազմակերպութունները՝ հողբաժիններն ու Մ. Տ. կայանները պետք է գլխավորեն կարտոֆիլի պահպանման աշխատանքները և կոնկրետ ղեկավարությամբ կիրառեն ժողկոմխորհի վորոշման այն կետը, վոր ասում է, թե «սերմացու կարտոֆիլի պահպանման պատասխանատվութունը գյուղում պետք է ղնել գյուղխորհրդի և կոլտնտեսության նախագահների վրա, իսկ ամբողջ շրջանի պատասխանատվութունը՝ շրջարտիսգորի»։ Դեռ բավական չե աշնանը կարտոֆիլ պահ տալու աշխատանքները հաջող կազմակերպելը. դա կարտոֆիլի պահպանման գործի առաջին, անհրաժեշտ քային է միայն։ Անհրաժեշտ է ձմռանը յեռապատիկ խնամք տանել պահ տրված կարտոֆիլին բուրտերում, պահեստներում, վորի համար կարտոֆիլացան ամեն մեկ կոլտնտեսական պետք է տիրապետի կարտոֆիլի բերքահավաքի և պահպանման տեխնիկային։

1. ԿԱՐՏՈՓԻԼԻ ԲԵՐՔԱՅԱՎԱՔԻ ՆԱԽԱՊԱՏՐԱՍՏԱԿԱՆ ԱՇԽԱՏԱՆՔՆԵՐԸ

Նախքան կարտոֆիլի բերքահավաքի աշխատանքներին անցնելը, անհրաժեշտ է կատարել հետևյալ նախապատրաստական աշխատանքները.

1. գազարեցնել ջրովի կարտոֆիլի ցանքերին բերքահավաքից մեկ ամիս առաջ ջուր տալը՝ նկատի առնելով, վոր ավելորդ ջուր տալն իջեցնում է կարտոֆիլի պալարի վորակը և հետևաբար կարտոֆիլն անհամեմատ վատ է ձմեռում.

2. կարտոֆիլի թփերը (տես նկար № 2) ֆիտոֆտորա սնկով (վորին տեղերում տարբեր անուններ են տալիս ըստ առանձին շրջանների, այն է՝ «ժանգյառ», «շախկա», «մրիկ», «սեվ») վարակված լինելու դեպքում անհրաժեշտ է բերքահավաքից 10 որ առաջ քաղել թփերը և այրել։




Նկ. 2. կարտոֆիլի տերվիլի յեվ տերվամասի վարակված ուրյունք ֆիտոֆտորա սնկով

Յեթե ցանքերն առողջ են ու չեն սրսկվել վարիզյան կանաչով և բորդոյան հեղուկով (կապույտ շիբի լուծույթով), անտեսութունը կարտոֆիլի թուփը կարող է ոգտագործել սխիռս պատրաստելու համար։ Մեկ հեկտարից հընձված կարտոֆիլի թուփը (վոր կազմում է ստացվող բերքի մոտավորապես կես մասը) կարող է կերակրել ձմռանը 2—3 կով.

3. անհրաժեշտ է կարգի բերել գյուղգործիքները,

կարտոֆիլ հանող մեքենաները (տես նկ. № 3)՝ գուլթանը, արորը, բահերը.

4. ստուգել կարտոֆիլի պահեստները, ընտրել բուր-տերի համար հարմար հողամաս, ունենալ անհրաժեշտ քա-նակությամբ տախտակ, մեխ, ծղոտ և շերմաչափ՝ պահես-տի և բուրտերի համար.



Նկ. 3. Կարտոֆիլի բերքահավաք մեքենա

5. ապահովել և կարգի բերել փոխադրական միջոց-ները՝ սայլերը կամ ֆուրգոնները, տարաները, փայտե ար-կըղները, կողովները և այլն:

2. ՅԵՐԲ ՅԵՎ ԻՆՉՊԵՍ ԿԱՏԱՐԵԼ ԲԵՐՔԱՇԱՎԱԲԸ

Կարտոֆիլի բերքահավաքն ընդունված է կատարել այն ժամանակ, յերբ կարտոֆիլի ցողունները խիստ կոպ-տացել ու մուգ-կանաչ կամ բաց-դեղնագույն են դարձել: Սովորաբար բերքահավաքը կատարվում է սեպտեմբերի յերկրորդ կեսից մինչև հոկտեմբերի վերջը:

Կարտոֆիլի բերքահավաքն անհրաժեշտ է կատարել չոր, արեվոտ օրերին, ամեն կերպ խուսափելով խոնավ և անձրեվոտ օրերից:


Հավաքած կարտոֆիլը լոջ մի դեպքում չթողնել դաշտում կամ անձրևի տակ: Յեթե հնարավոր չե դաշ-տից գյուղ կամ պահեստատեղ փոխադրելը, անհրաժեշտ է հավաքած կարտոֆիլի կույտերը ծածկել ծղոտով կամ խսիրներով:

Կարտոֆիլի բերքահավաքը կատարվում է կարտոֆիլ հանող հատուկ մեքենայով (տես նկ. № 3), գուլթանով, բահով և արորով: Հատուկ ուշադրության արժանի յեն սերմացուի համար թողած դաշտերը, վորտեղ բերքահա-վաքի ժամանակ պահանջվում է մեծ զգուշություն՝ պալար-ները չքերծելու և չվիրավորելու համար:

3. ՍԵՐՍԱՑՈՒ ԿԱՐՏՈՖԻԼԻ ԸՆՏՐՈՒԹՅՈՒՆԸ

Սովորաբար սերմացու կարտոֆիլն ընտրում են դաշ-տում, բերքահավաքի ժամանակ՝ շոկելով հավի միջակ ձվի մոտավոր մեծությունն ունեցող պալարները, վորոնց քաշը լինում է մոտ 40—100 գրամ. նշված քաշից պակաս կամ ավելի քաշ ունեցող պալարներն օգտագործում է տնտե-սությունը: Սերմացու կարտոֆիլի ընտրության կարելիոր աշխատանքներից մեկը՝ դա կարտոֆիլի տեսակավորումն է ըստ պալարի գույնի (սպիտակ, կարմիր, կապույտ): Տեսակա-վորումից հետո պետք է առանձնացվեն և ձմռանն առան-ձին տեղ պահվեն՝ հետագայում (գարնանը) առանձին հո-ղամասերում ցանք կատարելու համար: Սերմացուի հա-մար ընտրված պալարները ցելոտ չպետք է լինեն և մեքենայով կատարվող ցանքը հեշտացնելու համար, ունե-

նան համեմատաբար կլոր ձև: Կարտոֆիլի պալարներն ընտրում են նաև «պոլերտ» մեքենայով (տես նկ. № 4): Սերմացուի համար ընտրում են առողջ, չքերծված ու չվիրավորված պալարները: Անհրաժեշտ է առանձնացնել սնկային հիվանդութիւններով (ֆիտոֆտորա, փոշոտվող քոս) վարակ-



Նկ. 4. Կարտոֆիլի պալարն ըստ մեծութեան ընտրող «պոլերտ» մեքենան

ված պալարները, ինչպես և մանր պալարները: Սովորաբար կարտոֆիլը, նախքան պահեստ լցնելը, ցամաքեցվում է. փուռն են արևի կամ վորևե ծածկի տակ մի որ՝ 25 ամ հաստութեան շերտով, իսկ հետո նոր տեղափոխում պահեստ:

4. ԿԱՐՏՈՖԻԼԻ ՊԱԼԱՐԻ ԱՌԱՆՁԱՆԱՍՏԱԿՈՒՅՑՈՒՆԸ

Հատուկ ուշադրութեան արժանի յեն կարտոֆիլի ձրմեռային պահպանման աշխատանքները, նկատի ունենալով այն, վոր պալարի 75% — 85%-ը ջուր է, իսկ մնացած

25% — 15%-ը չոր նյութեր են, գլխավորապես ոսլա, վորը ծառայում է մարդու կարիքների համար: Բարձր տաքութիւնից (սկսած 8° Ց.) պալարի աչքերը, ինչպես և մակերն սկսում են արթնանալ, պալարից ուժեղ կերպով գոլորշիանում է ջուրը, պալարն սկսում է չմշկվել, շատ հաճախ՝ քրտնել, վորը պատճառ է դառնում պալարի նեխմանը, իսկ ցածր աստիճանում՝ — 1° Ց. մինչև — 1,5 Ց. պալարը ցրտահարվում է: Կարտոֆիլը հաշող ձմեռում է +2° Ց. մինչև +4° Ց. և ունենում է աննշան բնական կորուստ, այն ել պալարի շնչառութեան հետեւանքով:

Պալարի մաշկը (լսցանակեղեվը) շատ բարակ է և կարող է հեշտութեամբ քերծվել, վիրավորվել սրածայր գործիքներից (յեղաններից, թիերից), մարդու, ինչպես և անասունի կոխկրտկուց: Վիրավորված պալարը հեշտութեամբ վարակվում է սնկային ու բակտերիալ հիվանդութիւններով, սկսում է նեխել և վարակի աղբյուր է դառնում: Այս տեսակետից անհրաժեշտ է խուսափել կարտոֆիլի պալարը վիրավորելուց և ձմրանը պահ տալու համար ընտրել առաջին հերթին չվիրավորված, առողջ ու հասած պալարները:


5. ԿԱՐՏՈՖԻԼԻ ՊԱՇՏԱՍՏԵՂԵՐԻ ՏԻՊԵՐԸ

Կարտոֆիլի պահեստատեղերը լինում են՝ ա) մշտական և բ) ժամանակավոր: Մշտական պահեստատեղեր են՝ հատուկ պահեստները, մառանները, նիւղները, իսկ ժամանակավոր են՝ ա) բուրտը, բ) բուրտ-խրամատը, գ) հորը, վորը մեզ մոտ, Հայաստանի լեռնային կարտոֆիլացան շրջաններում շատ է տարածված: Թված պահեստատեղերից ամենահարմարը՝ դա մշտական հատուկ պահեստներն են և յերկրորդ հերթին՝ վորպես եժանագին պահեստ:

տատեղեր կարող են ծառայել բուրտը կամ բուրտ-խրամատը:

Մեր խորհանտեսություններն ու կոլտնտեսություններն արդեն ձեռնարկել են կարտոֆիլի հատուկ պահեստների շինարարության գործին. հաճախ յեղած պահեստատեղերը՝ նկուղները, մառանները և հորերն իրենց ունեցած մի շարք բացասական կողմերով (թե շենքի անհամապատասխան կառուցվածք ունենալը, և թե անհրաժեշտ սարքավորումներ չլինելը)՝ չեն կարող բավարար պահեստատեղ համարվել կարտոֆիլի նորմալ ձմեռման համար:

Բուրտ կամ բուրտ-խրամատ կոչվում է կարտոֆիլի կուլտի այն ձեվը, վոր յերկու կողմից թեք է (յեռանկյան ձև ունի) և ծածկվում է ծղոտով ու հողով (տես նկ. № 5):



Նկ. 5. Գետնքես բուրտ

Բուրտերը լինում են գետներես և գետնի մեջ. վերջին տիպը կոչվում է բուրտ-խրամատ, վորովհետև խրա-

մատի տեսք ունի: Բուրտերում տեղավորված կարտոֆիլի հաստության շերտը լինում է 1 մետրից վոչ ավելի, իսկ լայնքը՝ վոչ ավելի, քան մեկ մետր:

Այս տեսակետից բուրտային պահպանումն այն եժանագին միջոցն է, վորով հնարավոր է ձմռանը շատ հաջող կերպով մեծ քանակությամբ սերմացու կարտոֆիլ պահել մինչև զարնանացանը:

Բուրտ կառուցելու համար բավական է ունենալ մի քանի հատ տախտակ՝ ողւափոխ խողովակներ պատրաստելու համար, ջերմաչափ (վորն անհրաժեշտ է պահեստների ու բուրտերի համար) և մի քանի ցեխտներ աշնանացան հացահատիկի կամ վարսակի ծղոտ, վորպիսին կա յուրաքանչյուր տնտեսությունում:

6. ԲՈՒՐՏԻ ՏԵՂԻ ԸՆՏՐՈՒԹՅՈՒՆԸ

Բուրտ կարելի յե պատրաստել չոր, ստորերկրյա ջրերից բարձր հողամասերում, վորը պաշտպանված է ձմռան սառը քամիներից և գարնան հեղեղներից: Ընտրված հողամասը պետք է ունենա քիչ թեքություն, վոր գարնան [տեղումներից] առաջացած ջրերը կարողանան հոսել և չներծծվեն բուրտերի մեջ: Բուրտ կարելի յե պատրաստել դաշտում, վորը մոտ է գարնանը ցանվող հողամասին, կամ գյուղամիջում, վորտեղ կոլտնտեսությունը կունենա ամենուրյա խնամք ու հսկողություն: Բուրտի ուղղությունը վերցնում են հյուսիսից հարավ:

7. ԲՈՒՐՏ ՊԱՏՐԱՍՏԵԼԸ

Մեր յերկրի բնական-կլիմայական յուրահատուկ պայմաններն ըստ շրջանների խայտարեղես են և խիստ

տարբերվում են իրարից. որինակ՝ Նոր-Բայազեդի շրջանի հողային ու կլիմայական պայմանները տարբերվում են իրեն հարեվան Կարմիր գյուղի յենթաշրջանից, վորը գրանրվում է Սևանի լճի մյուս ափին կամ Բասարգեչարից, Ստեփանավանից և այլ շրջաններից: Պատրաստի և «ստանդարտ» բուրտ-խրամատի ձև և չափ տալ Հայաստանի բոլոր շրջանների համար, իմաստ չունի և նույնիսկ վնասակար է: Տեղերը բուրտ կամ բուրտ-խրամատներ պատրաստելու ժամանակ պետք է աչքաթող չանեն տեղի բնական ու կլիմայական պայմանները և փորձի միջոցով գտնեն բուրտի կամ բուրտ-խրամատի նպատակահարմար ձևը, նկատի ունենալով տեղի՝

- ա) ձմրան ցրտությունը և տեղողությունը.
- բ) տիրող սառը քամիների ուղղությունը.
- գ) պարզկա գիշերները.
- դ) հողը սառչելու խորությունը.
- ե) գարնան շուտ կամ ուշ բացվելը:

Այս տեսակետից կարեվոր է աչքաթող չանել փորձված ու հասակավոր կոլտնտեսականների փորձն ու խորհուրդները: Բուրտի կամ բուրտ-խրամատի համար հարմար հողամաս ընտրելուց հետո, յեկնելով սերմացու կարտոֆիլի քանակից, կազմվում է նախահաշիվ, վորոշվում է բուրտի կամ բուրտ-խրամատի մեծությունը և այնուհետև կատարվում է հողամասի հատակագծումը:

Բուրտը պատրաստվում է հողի յերեսին և ունի 2 մետր լայնություն, վորտեղ կարտոֆիլի կույտի հաստության շերտը լինում է մեկ մետր բարձրության: Փորձերով հաստատված է, վոր բուրտի յերկարության յուրաքանչյուր գծային մետրում տեղավորվում է 6,5 ցենտներ կարտոֆիլ, իսկ յեթե բուրտ-խրամատ է, վորն ունի 1 մետր լայնություն, յեզրերի լայնքը 1 մետր է,

իսկ հատակի լայնքը 0,5 մետր: Նման բուրտ-խրամատի յերկարության յուրաքանչյուր գծային մետրում կտեղավորվի 0,75 տոնն կարտոֆիլ: Բուրտերի ձևը և տարողությունը վորոշվելուց հետո սահմանվում է բուրտերին հատկացված հողամասերի չափը:

Հողամասը չափում են ուղեակայով. յուրաքանչյուր բուրտին հատկացված հողամասը հատակագծում և չորս կողմից ամրացնում են փայտե ցցեր, վորոնք միացվում են միմյանց թեւով. բահով նշանակում են բուրտի բնած տարածությունը և այդ ձևով անցնում մյուս բուրտի տեղանշմանը:

Բուրտերի հեռավորությունը մեկը մյուսից կարելի յե վերցնել 3 մետրից մինչև 4 մետր. արանքում փորում են շրատար առվակ կես մետր լայնությամբ և 40 սանտիմետր խորությամբ: Յուրաքանչյուր գույգ բուրտը պետք է ունենա 6 մետր լայնություն ունեցող գլխավոր ձանապարհ, վորը զուգահեռ է լինելու բուրտի յերկարությանը: Այդ ձանապարհը հեշտացնում է կարտոֆիլի փոխադրական աշխատանքները՝ բուրտում տեղավորելիս կամ պատարկելիս:

Գյուլաքարակի կարտոֆիլի փորձադաշտի կողմից կոլտնտեսություններում գրված կարտոֆիլի պահպանման փորձնական աշխատանքներից պարզվել է, վոր 1,5 մետր լայնություն և 0,5 մետր խորություն ունեցող բուրտերը, վորոնց հատակի լայնքն է 0,5 մետր, իսկ բուրտի յերկարությունը՝ 16 մետր, տալիս են հաջող արդյունք և բընական աննշան կորուստ (0,5% — 1,5%): Կատարված փորձի արդյունքներից յեկնելով՝ 1934/35 թ. ամռանը բուրտ-խրամատի այս ձևը մասսայականացված է Ստեփանավանի շրջանի 14 կոլտնտեսությունում և 2 խորհատեսությունում:

2104
38

Սերմացու կարտոֆիլի պահպանումը 2



Յենթադրենք, թե անհրաժեշտ է 39 տոնն սերմացու կարտոֆիլ պահել գետներես-բուրտի մեջ: Սկզբից վորոշվում է բուրտի տարողութունը թվաբանական հետևյալ գործողությամբ՝

1) քաղմապատկվում է բուրտի 1,5 մետր լայնքը լցված կարտոֆիլի մեկ մետր հաստությամբ՝

$$1,5 \times 1 = 1,5$$

2) ստացված 1,5 թիվը բազմապատկվում է բուրտի 16 մետր յերկարության հետ՝

$$1,5 \times 16 = 24$$

3) բուրտի տարողութունը խորանարդ մետրով իմանալու համար անհրաժեշտ է ստացած 24 թիվը բաժանել 2-ի վրա, վորովհետև կարտոֆիլը դասավորված է յեռանկունաձև՝

$$24 : 2 = 12 \text{ խորանարդ մետրի}$$

4) յեթե մեկ խորանարդ մետրում տեղավորվում է 0,65 տոնն կարտոֆիլ, ապա 12 խորանարդ մետրում կտեղավորվի 12 անգամ ավելի՝

$$12 \times 0,65 = 7,8 \text{ տոնն կարտոֆիլ:}$$

Մեր ընտրած ձևի յուրաքանչյուր բուրտում կարող է տեղավորվել 7,8 տոնն կարտոֆիլ, մնում է վորոշել, թե քանի բուրտ է անհրաժեշտ 39 տոնն կարտոֆիլ տեղավորելու համար:

5) Այդ իմանալու համար անհրաժեշտ է 39 տոնն կարտոֆիլը բաժանել մեկ բուրտի տարողության վրա, այն է՝

$$39 : 7,8 = 5$$

Ուրեմն 39 տոնն կարտոֆիլը կարող է տեղավորվել 5 բուրտում: Բուրտի քանակը վորոշելուց հետո պիտի իմանալ, թե վորքան հողամաս է հարկավոր 5 բուրտի համար: Սկզբից վորոշվում է մեկ բուրտի զբաղեցրած հողա-

մասի չափը քառակուսի մետրով, վորի համար բազմապատկվում է բուրտի լայնքը յերկարության վրա, այն է՝

$$1,5 \times 16 = 24 \text{ քառակուսի մետրի:}$$

Յուրաքանչյուր գույգ բուրտի հեռավորությունն իրարից վերցնում են յերեք մետր. դա կանի 48 քառակուսի մետր հողամաս.

$$3 \times 16 = 48$$

Գլխավոր ճանապարհի լայնքը հարեվան յերկու գույգ բուրտի միջև ընդունել 6 մետր, հետևապես ամեն այդպիսի գույգ բուրտ կունենա 96 քառակուսի մետր.

$$6 \times 16 = 96$$

Այսպես մեկ գույգ բուրտ՝ իրեն հարեվան մեկ բուրտի հեռավորությունը գումարած գլխավոր ճանապարհի բռնած հողատարածությունը՝ կունենա 192 քառակուսի մետր՝

$$48 + 48 + 96 = 192$$

Մեր կողմից բերված 5 բուրտը կբռնի 480 ք. մետր, վորի մեջ հաշված է նաև մի բուրտի բռնած տարածությունը.

$$192 \times 2 + 96 = 480:$$

Այլ աիպի բուրտ պատրաստելու ժամանակ (գետներես կա՛ 1 մետր խորության բուրտ-խրամատ) հաշվում են վերոհիշված ձևով: Բուրտի լայնքը, խորությունն ու յերկարությունը կարող է փոխվել ըստ պահանջի, վորը կարող է բոլորովին ջնմանվել վերը բերված որինակին, բայց բուրտի հաշվումները և կարտոֆիլի կույտի բարձրությունն ամեն դեպքում մնում է անփոփոխ՝ թե նախահաշիվ կազմելու և թե հատակազման ժամանակ:

Բուրտ-խրամատը, վորն ունի 1,5 մետր լայնք, 0,5 մետր խորություն և վորի հատակի լայնքը 1 մետր է, այդպիսի բուրտի փորվածքը տաշտանման է լինում: Տաշ-

տանման փորվածքն անհրաժեշտ է նրա համար, վորպեսզի կարտոֆիլի կուլտի ծանրությունն ընկնի հորի շեղ հողի վրա և վոչ թե պալարի վրա և յերկրորդ՝ վոր կարտոֆիլի կուլտի ստորին շերտում ողափոխությունը կանոնավոր կերպով կատարվի:

Բուրտի հատակի մեջտեղից ըստ բուրտի յերկարության փորում են փոքր աովակ, վորը ծառայում է վորպես հորիզոնական ողատար խողովակ՝ կարտոֆիլի կուլտի ստորին շերտի համար: Աովակը պետք է ունենա 20 սմ լայնք և 25 սմ խորություն: Աովակի լայնքով դասավորում են կարճ փայտեր՝ իրարից 2,5 սմ հեռավորությամբ, վորպեսզի կարտոֆիլի պալարներն աովակ-խողովակի մեջ չթափվեն և չխանգարվի կուլտի ստորին շերտի ողափոխությունը: Աովակի վրա կարճ փայտեր դասավորելուց հետո, զբանց վրա ամրացնում են ուղղահայաց ողափոխ խողովակներ, վորպեսզի կուլտում գտնվող բաց անցքը չմիանա հորիզոնական յեղած խողովակի հատակին, այլ նրանից բարձր լինի: Բուրտ-խրամատ փորելիս, հանված հողը պիտի լցնել փոսի յեզրից կես մետր հեռավորության վրա, նախ՝ դուրս տված հողը բուրտում տեղավորված կարտոֆիլի պալարների վրա չթափվելու, յերկրորդ՝ բուրտի ծածկի ծղոտն ամրացնելու համար:

Բուրտի հատակագծման ու փորելու աշխատանքներն ավարտելուց հետո պիտի փոխադրել անհրաժեշտ քանակությամբ ծղոտ և ողափոխ խողովակներ:


8. ՈՂԱՓՈՒ ԽՈՂՈՎԱԿՆԵՐ ՊԱՏՐԱՍՏԵԼԸ

Ուղղահայաց ողատար խողովակը պատրաստվում է չորս տախտակից, վորից յուրաքանչյուրի յերկարությունը 2,1 մետր է, իսկ մի տախտակի լայնքը 5 սմ: Խողովակի

մեկ մետրը, վոր գտնվելու յե կարտոֆիլի կուլտում, պետք է ճաղավոր լինի և ամեն ճաղի հեռավորությունը մեկը մյուսից պետք է լինի 2,5 սմ, վորպեսզի կարտոֆիլի պալարները խողովակի ներսը չթափվեն: Խողովակի մնացած 1,1 մետր վերին մասը չպետք է ծակոտել, վորովհետև այդ մասը ծածկվելու յե ծղոտով ու հողով և, բացի այդ, վորպեսզի ցուրտը բուրտի մեջ չներթափանցի: Ողատար յերկու խողովակն ունի 3 ճաղամատ, իսկ 2-ը՝ յերկու ճաղամատ, վորոնց միմյանց ամրացնում են այնպես, վոր 3-ական ճաղամատ ունեցող 2 տախտակներն իրար հակադիր լինեն:

Խողովակի դրսի ծայրամասն ունենալու յե շարժական կիսաթեքվող կափարիչ՝ անձրևներից ու ձյունից պաշտպանելու համար:

Բուրտի նախնական ծածկը կատարում են ծղոտով (տես նկ. № 6) 10 սանտիմետր հաստությամբ (ցուրտ



Նկ. 6. Բուրտի հախնական ծածկի աշխատանքը

շրջաններում անհրաժեշտ է ծղոտից յեղած ծածկի հաստությունը վերցնել 20—50 սմ): Բուրտի ծածկի համար անհրաժեշտ է փոել աշնանացան հացահատիկի կամ վարսակի ծղոտ, վորը վերցնում են պահ արվող կարտոֆիլի ընդհանուր քանակի 2⁰/₀-ից մինչև 10⁰/₀-ի չափով:

9. ԿԱՐՏՈՅԼԻ ՏԵՂԱՎՈՐՈՒՄԸ ԲՈՒՐՏԻ ՄԵՋ

Բուրտի նախապատրաստական մեր նշած աշխատանքները վերջացնելուց հետո անցնում են կարտոֆիլ տեղավորման աշխատանքին:

Նախ՝ հիմքի հորիզոնական ողատար առվակ-խողովակի վրա ամրացնում են ողափոխ ուղղահայաց խողովակներ՝ մեկը մյուսից 3 մետրից մինչ 4 մետր հեռավորության վրա, նկատի ունենալով տեղի ձմռան ցրտության և տաքության աստիճանը:

Ստեփանավանի շրջանում կարտոֆիլի ծիլերը կամ փտումն առաջանում է ավելորդ տաքությունից: Բուրտի հյուսիս. և հարավ. ծայրամասերում ողափոխ խողովակները դրվում են թեք դրությամբ: Բուրտում յեղած կարտոֆիլի կուլտի բարձրությունը պետք է լինի 1 մետր՝ 110—120 աստիճան թեքությամբ:

Բուրտի յեզրերում թափված կարտոֆիլը պետք է խնամքով շարել կարտոֆիլի կուլտի վրա և այնուհետև ծածկել ծղոտով: Յեղանակն արևոտ լինելու ժամանակ լավ է հողով չծածկել, մի քանի օր պահել ծղոտով ծածկված կարտոֆիլի կուլտը, իսկ վատ յեղանակի դեպքում՝ ծղոտի ծածկի վրա լցվում է մեկ բահաբերան շիկահող (կավային հող), վորպեսզի քամիները ծղոտը չտանեն ու պաշտպանված լինեն անձրևներից: Կուլտի գագաթին հող չլցնել և թողնել բաց, նկատի ունենալով այն, վոր առաջին շաբթում պահ տրված կարտոֆիլի շերտությունը բարձր է լինում՝ շնորհիվ պալարի ուժեղ շնչառության, վորից շուրն սկսում է գոլորչիանալ: Յեթե գագաթը հողով ծածկված լինի, բուրտում առաջացած ավելորդ գոլոր-

չին կքրտնեցնի կարտոֆիլը: Անձրևից պաշտպանելու համար գագաթին խաչաձև դասավորած կարճ փայտերի վրա բուրտի յերկարությամբ տախտակ է դրվում: Մինչև ցըրտեր ընկնելն ողափոխ խողովակների դրսի անցքերը թողնում են բաց, իսկ ցրտերն ընկնելիս գագաթի բաց թողնելված մասը մինչև 40 սմ հաստությամբ ծածկում են հողով, իսկ կողքերի հաստությունը, վորն արդեն հողով ծածկված է 40 սմ հաստությամբ հողաշերտով, հասցնում են մինչև 70 սանտիմետրի, վորպեսզի անձրևների կամ ձյան շրերը չհերժծովեն բուրտի մեջ: Բուրտի ծածկի համար պահանջվող հողը վերցնում են բուրտի յեզրի փորված հողից: Վերը նշված բուրտ-խրամատի ծածկի հաստության շերտը կարելի յե կիրառել Ստեփանավանում և շրջանի գյուղերում:

Հայաստանի կարտոֆիլացան այն շրջանները, վորոնք իրենց կլիմայական պայմաններով տարբերվում են Ստեփանավանի շրջանից, բուրտ-խրամատի ծածկ պատրաստելու ժամանակ պետք է աչքաթող չանեն տեղի բնական-կլիմայական հետևյալ պայմանները.

1. վորջան ձմռան յեղանակները մեղմ են ու հողը չի սառչում, այնքան ծածկը պետք է բարակ լինի.
2. բուրտ-խրամատը վորջան խոր է լինում (բուրտ-խրամատի խորությունը 1 մետրից ավելի չպետք է լինի) և լայն, այնքան ծածկը բարակ, թեթե պետք է լինի.
3. ավազոտ հողերում ծածկը պետք է լինի ավելի հաստ, քան կավային հողերում, նկատի ունենալով, վոր ավազոտ հողերն արագ տաքանում են և ավելի շատ յենթակա յեն բնական ողափոխության, քան կավային հողերը.
4. վորջան ծղոտի ծածկի հաստության շերտը մեծ է

լինում, այնքան հողի ծածկի շերտը բարակ կամ հակառակը պետք է լինի:

5. վորջան տեղումները՝ անձրեկ և ձյուն՝ շատ են լինում, բուրտն այնքան ավելի թեք (սրածայր) պետք է լինի:

Բուրտերը լրիվ ծածկելուց հետո նրանց արանքում և գլխամասում, բուրտից 1,5 մետր հեռավորության վրա, փորում են ջրատար առվակ 0,5 մետր լայնությամբ և 40 սմ խորությամբ, վոր տեղումներից առաջացած ջրերը չհերժծովեն բուրտերը: Ջրատար այս առվակը բուրտին մոտ չպետք է փորել, նկատի ունենալով այն, վոր մոտ փորած առվակի միջոցով բուրտի մեջ չեղած կարտոֆիլը կարող է ցրտահարվել:

10. ԲՈՒՐՏԻ ԽՆԱՍՔԸ

Կարտոֆիլի բուրտի խնամքն սկսվում է բուրտ պատրաստելու օրից, վորի համար անհրաժեշտ է.

1. արգելել բուրտի վրայով ման գալը կամ անասուններ թողնելը, նկատի առնելով, վոր կոխտոված տեղերից հեշտությամբ բուրտի մեջ կներծծվեն անձրևի ու ձյան ջրերը:

2. ողափոխ խողովակների դրսի մասից առաջացած բացվածքները կամ ձեղքերը պետք է սվաղել կավի և թարմ գոմաղբի խառնուրդով, վորպեսզի ցուրտը չանցնի կարտոֆիլի կույտի մեջ:

3. ձմռանը հողե ծածկը ճաքճքելու դեպքում պիտի հողով լցնել առաջացած ձեղքը, վորպեսզի բուրտում կարտոֆիլը չցրտահարվի: Յեթե ողափոխ խողովակների դրսի կողմից ծածկը նստած է կամ ձեղբվածքներ են առաջ յեկել, ձեղքերը հողով պիտի լցնել և թարմ գոմաղբը կավի հետ խառնելով խողովակի շորս կողմը սվաղել:

4. բուրտերի ջերմությունը, կարտոֆիլը բուրտում տեղավորելու օրից, չափել ամեն օր՝ մինչև մեկ ամիս, վորից հետո յեթե բուրտի ջերմությունն ուժեղ տատանումներ չի տալիս, կարելի չէ ամեն 5 օրը մեկ անգամ չափել ջերմությունը և գրի առնել բուրտին հատկացված մատչանում:

Սովորաբար, առաջին ամիսը բուրտում կարտոֆիլի կույտն ունենում է բարձր տաքություն՝ 12° մինչև 15° Ց-ի, վորից առանձնապես չպետք է վախենալ այդ ժամանակ, այլ անհրաժեշտ է, վոր բաց լինեն ողափոխ խողովակների դրսի անցքերը և ծածկը թեթև պահել: Բուրտում նորմալ տաքություն համարվում է $+2^{\circ}$ -ից մինչև $+4^{\circ}$ ըստ Ց-ի: Չմրանը, յեթե բուրտում տաքության աստիճանն սկսում է տատանվել, այն է՝ իջնել 0° Ց-ի (ցրտություն), կամ ջերմության աստիճանը բարձրանալ մինչև $+8^{\circ}$ Ց-ի, ցրտությունից դեպքում անհրաժեշտ է ծղոտե խցանով ամուր փակել ողափոխ խողովակների անցքերը, բուրտի վրա ավելացնել ձյան հաստ շերտ և յեթե այդ չի ոգնում, բուրտի վրա հաստ շերտով թարմ գոմաղբ փռել, իսկ բարձր տաքության ($+8^{\circ}$ Ց-ի) դեպքում կատարվում է վերև նշված աշխատանքի հակառակը, այն է՝ ա) բաց է արվում ուղղահայաց և ծայրամասերի թեք ողափոխ խողովակների անցքերը, բ) թեթևվացվում է ծածկը, այսինքն՝ ձնից թեթևացնել, սրբել և յեթե դրանք ել չեն ոգնում, բացել բուրտը և բուրտի կարտոֆիլն շտապ կարգով պահեստ տեղափոխել:

Բուրտի ջերմությունը կարելի չէ ստուգել ուղղահայաց և ծայրամասերի ողափոխ թեք խողովակների դրսի բաց անցքերի միջոցով, վորի համար ջերմաչափն իջեցնում են կարտոֆիլի կույտի խորքը և թողնում են 10—15 րոպե, վորից հետո վորոշվում է ջերմությունը և գրի առնվում:

Բուրտի ջերմութիւնը չափում են հատուկ ջերմաչափով, վորի բացակայութեան դեպքում կարելի չէ գործածել սենյակի ջերմաչափ. վերջինս պիտի ամբացնել յերկար ձողի վրա.

5) գարնանը՝ մարտի յերկրորդ կեսից՝ ըստ հնարավորին հեռացնում են բուրտերի վրա յեղած ձյունը, բաց են անում բուրտը և մի որվա ընթացքում դատարկում կարտոֆիլը, վորը փոխադրում են պահեստ կամ դաշտ՝ ցանքի համար: Այս միջոցով կանխվում է կարտոֆիլի փչացումը.

6) յուրաքանչյուր բուրտ-խրամատ համարակալում են և փակցնում համաբը (Ն-ը) բուրտի ծայրամասերի թեք խողովակների վրա՝ յերկու կողմից. այդտեղ պրանցվում է նաև լցնելու որը և բուրտի տարողութիւնը՝ ցենտներով:

Ամեն մի բուրտ պետք է ունենա մատյան և իր հաշվատումը՝ հետեյալ ձևով.

№ № բ. կ.	Հ Ա Ր Ց	Պատասխան	Մանրութիւն
1	Պահ տրվող կարտոֆիլի բերքահավաքի կատարման որը		
2	Կարտոֆիլը յէրբ են տեղավորել բուրտում		
3	Բուրտի չափը՝		
	ա) խորութիւնը		
	բ) լայնքը		
	գ) կարտոֆիլի կույտի բարձրութիւնը դ) բուրտի յերկարութիւնը		
4	Բուրտում պահ տրվող կարտոֆիլի քաշը՝ ցենտներով		
5	Կարտոֆիլի սորտի անունը		
6	Պահվող կարտոֆիլի հատկութիւնը		
	ա) ընտրված է		
	բ) չընկված		
	գ) ցամաքեցված է		
	դ) պալարի թացութիւնը ե) հիվանդ կամ կտրտված պալարների %օ-ը բուրտում		
7	Բուրտի ծածկելու ձևը		
	ա) ծղոտի քաշը		
	բ) բուրտի ծղոտի ծածկի հաստութիւնը՝ սանտիմետրով		
	գ) բուրտի հողի ծածկի շերտի հաստութիւնը՝ սանտիմետրով		
8	Բուրտի կարտոֆիլի կույտը յէրբ է ծածկված ծղոտով		
9	Բուրտի վերջնական ծածկման որը (նշել որը)		

№ Ձև ը 4	Հ Ա Ր Ց	Պատաս- խան	Ծանոթ- թվեր
10	Բուրտի վիճակիցիան (ողափոխությունը), ողատար խողովակների թիվը . . .		
11	Պահպանման միջոցառումները ա) բուրտի տաքացումը բ) ծածկի թեթևացուցիչ և այլն . . .		
12	Գարնանը բուրտից յերբ և փոխադրված կարտոֆիլը		
13	Գարնանը բուրտից հանված կարտոֆիլի քաշի տարբերությունն աշնան քաշի հետ՝ ցենտներով		
14	Փչացած կարտոֆիլի քաշը՝ ցենտներով . .		
15	Գործադրված աշխոթերի քանակը բուրտ պատրաստելու վրա ա) բուրտը լցնելու համար բ) ծածկելու համար		
16	Բուրտ խնամողի անուն-ազգանունը . . Պահակի անուն-ազգանունը		

Բուրտի ջերմության որակեր

Ամիս, ամսաթիվ	Բուրտի №-ը	Բուրտի ջերմությունը			Յեղանակ քամիներ 1)		Տեղումներ	Ծանոթություն
		Բուրտի ստորին շերտի	Բուրտի վերին շերտի	Դրսի ջերմ. աստիճանը	Ուժեղությունը	Ուղղությունը 2)		

1) Քամիների ուժեղությունը գրվում և խոսքով «ուժեղ», «միջակ» «թույլ»:
 2) Քամիների ուղղությունը գրվում և տառերով «հյուս», «նշանակում և հյուսիսային կողմից», «հար.» հարավային, «ար.»՝ արևելյան և «արևմուտք»՝ արևմուտքի կողմից:

Ու. ՍԵՐՄԱՑՈՒ ԿԱՐՏՈՑԼԻ ՊԱՀՊԱՆՈՒՄԸ ՊԱՀԵՍՏՆԵՐՈՒՄ

Սերմացու կարտոֆիլին հասկացվող պահեստը պետք է լինի զով, բայց վոչ ցուրտ՝ +2⁰-ից մինչև +3⁰ Յ-ի ջերմությունից վոչ ավելի: Վորպես պահեստ կարող են ծառայել ստորերկրյա ջրերից բարձր կառուցված այն նկուղիները, վորոնք բարձր խոնավություն և չորություն չունեն: Պահեստի նորմալ, հարաբերական խոնավությունը համարվում է 85⁰/₀-ը: Բարձր՝ 95⁰/₀ հարաբերական խոնավության դեպքում պատերի և առաստաղի վրա առաջանում են ջրի կաթիլներ, վորոնք նպաստում են կարտոֆիլի քրոնելուն ու արագ նեխելուն, իսկ 65⁰/₀ հարաբերական խոնավության դեպքում (պակաս խոնավություն) պալարն սկսում է արագորեն ցամաքել, չմշկվել: Պահեստը պետք է լինի մութ, վորովհետև լույսից պալարը կանաչում է, վորն իջեցնում է պալարի վորակը (դառնանում) և սպառողական արժեքն անհամեմատ ընկնում է: Պահեստն անհրաժեշտ է ապահովել ողափոխ խողովակներով: Հորիզոնական ձևով դրված գլխավոր խողովակը տեղավորում են պահեստի հատակում յերկարությունը, վորին միանում են չորս կողմից փակ խողովակներ՝ դուրս յեկած տախտակամած աչքերի ստորին մասից, վորոնք տեղավորված են լինում տախտակամած աչքի լայնքով: Հորիզոնական խողովակը դրսի մաքուր ողջ պահեստ է տեղափոխում: Պահեստի կեղտոտ ողջ և ավելորդ գոլորշին դուրս հանելու համար՝ պահեստի առաստաղի մոտ կամ լուսամուտի մոտ դուրս են հանում մի ողափոխ խողովակ: Ձմռանն ողափոխ խողովակների անցքերը դրսի կողմից փակում են և ըստ անհրաժեշտության կանոնավորում պահեստում յեղած ջերմությունը:

Պահեստի յերկարությամբ թողնում են 1,5 մետր լայնք՝ կարտոֆիլը տեղավորելու կամ դատարկելու համար: Պահեստը տախտակամածով բաժանում են աչքերի, վորոնց յերկարությունը կարող է լինել 3—4 մետր, խկ լայնությունը՝ 2—3 մետր: Պահեստի տախտակամածի աչքերը պատրաստում են հետևյալ կերպ. սկզբից պահեստի հատակի վրա մեկը մյուսից 0,5 մետր հեռավորությամբ (ըստ աչքի լայնքի) փռում են լայն գերաններ՝ ամրացնելով նրանց վրա $2\frac{1}{2}$ սանտիմետր լայնություն ունեցող ճաղեր (վորը նույնքան հաստություն է ունենում)՝ իրարից 2,5 սանտիմետր հեռավորությամբ: Գերանները չորս կողմից ուղղահայաց ձևով ամրացնում են հաստ ճաղերին (վորպեսզի կարտոֆիլը չթափվի) 2,5 սանտիմետր հեռավորությամբ և 1,5 մետր բարձրությամբ: Արտաքինից պահեստի աչքի սարքավորումը նմանում է ճաղեր ունեցող վանդակի:

Կարտոֆիլի պահեստ չեն կարող լինել հանքային պարարտանյութերով, աղով և նավթով զբաղեցրած պահեստները:

Նախ քան բերմացու կարտոֆիլ տեղավորելը պետք է պահեստը նախապատրաստել, վորի համար անհրաժեշտ է.

1. պահեստն ազատել ավելորդ իրերից և այլ սերմացուներից (գազար, ճակնդեղ, կաղամբ և այլն).

2. կավի և թարմ գոմաղբի խառնուրդով սվաղել պահեստի պատերի, լուսամուտների ճեղքերն ու կարգի բերել դուան փեղկերը, այսինքն՝ անհրաժեշտ է պատուհանները պատրաստել կրկնակի փեղկով.

3. ախտահանել պահեստը ծծմբով, յուրաքանչյուր մեկ խորանարդ մետրի համար գործադրելով 20 գրամից մինչև 40 գրամ ծծումբ, վորն այրելու համար լցնում են

կավե ամանի մեջ և դնում պահեստի հատակին մի քանի տեղ: Ծծումբն այրելու համար անհրաժեշտ է պահեստի դռները և լուսամուտները լավ սվաղել, վորից հետո ծուխ տալ պահեստին. ծծմբի ծուխը պետք է թողնել 8 ժամից վոչ պակաս, վորից հետո ըաց անել պահեստի դռներն ու լուսամուտները՝ լավ ողափոխվելու համար և ապա տեղավորել սերմացու կարտոֆիլը:



4092

Գառ. խմբագիր՝ Հ. Մար ջանյան
Տեխ. խմբագիր՝ Հ. Մուրադյան
Լեզվ. խմբագիր՝ Արթ. Գրիգորյան
Սրբագրիչ՝ Խ. Այվազյան

Հրատ. 249, Գլավիլիտի լիազոր Գ—126, պատվեր 476, տիրաժ 2000
Հանձնված և արտադրության 1935 թ. ոգոստոսի 2-ին
Ստորագրված և տպագրելու 1935 թ. սեպտեմբերի 7-ին

Գյուղհրատի տպարան, Յերևան Նալբանդյան 11

«Ազգային գրադարան»



NL0301044

20840

ԳԻՆԸ 50 Կ.

БИБЛИОТЕКА КОЛХОЗНИКА

Т. ТЕР-СААКЯН

ХРАНЕНИЕ

семенного картофеля

В БУРТАХ

СЕЛЬХОЗГИЗ

ЗРИВАНЬ

1935